



commonwealth  
games  
**RWANDA**

# Icyegeranyo cy'amakuru y'imikino yaranze icyumweru

2023

Taliki 13–18 Nzeri



P.1 Volleyball : Ikipe y'u Rwanda mu bagabo yegukanye umwanya wa 6 muri Afurika

## Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

- P1 **Volleyball:** Ikipe y'u Rwanda mu bagabo yegukanye umwanya wa 6 muri Afurika
- P2 **Tennis:** Corentin Denolly yegukanye "Rwanda Open M25"
- P2 **Football:** APR FC yanganyije na Pyramids FC mu mukino ubanza
- P3 **Football:** Hatoranyijwe abazajya mu ishuri ry'umupira w'amaguru rya Bayern Munich
- P3 **Basketball:** APR BBC yegukanye igikombe shampiyona mu bagore
- P4 **Football:** Komite ya Rwanda Premier League yagiriye urugendoshuri muri Tanzania
- P4 **Table Tennis:** U Rwanda rwahawe kwakira imikino yo gushaka itike y'imikino Olempike 2024
- P5 **Football:** Habaye imikino y'umunsi wa kane wa shampiyona
- P5 **Football:** Umukino wa Rayon Sports na Al Hilal SC warasubitswe
- P6 **Karate:** Flying Eagles yitwaye neza muri shampiyona y'igihugu y'abakiri bato
- P6 **Cycling:** Habaye umunsi wa gatatu wa shampiyona y'abakiri bato
- P7 **Kung Fu Wushu:** Ambasaderi w'u Bushinwa n'uwa Kenya mu Rwanda basuye abari mu mahungurwa
- P8 **Football:** Yanga SC yatsindiye Al-Merrikh SC i Kigali

# 1 Volleyball : Ikipe y'u Rwanda mu bagabo yegukanye umwanya wa 6 muri Afurika

Taliki 03 kugeza 13 Nzeri 2023, i Cairo mu Misiri habereye imikino y'Afurika mu mukino wa Volleyball mu Bagabo ku nshuro ya 24 "Men's African Nations Volleyball Championship 2023" aho ikipe y'u Rwanda yasoreje ku mwanya wa 6.

Iyi mikino yari yitabiriwe n'amakipe 15 aho yashyizwe mu matsinda ane. Itsinda ryari rigizwe na Misiri, Burundi na Algeria, itsinda B ririmo Tunisia, Mali, Tanzanie na Tchad, itsinda C rigizwe na Cameroun, Kenya, Ghana na Libya naho itsinda D rigizwe na Maroc, u Rwanda, Senegal na Gambia.

## Uko ikipe y'u Rwanda yitwaye

Mu mikino y'amajonjora, ikipe y'u Rwanda yatsinzwe na Maroc amaseti 3-0 (25-17, 25-18 na 26-24). Ikipe y'u Rwanda yatsinze Gambia amaseti 3-1 (25-11, 25-11, 20-25 na 26-24), itsinda na Senegal amaseti 3-0 (25-21, 25-16 na 25-17).

Muri 1/8, ikipe y'u Rwanda yatsinze Tanzania amaseti 3-1 (25-22, 27-29, 25-21 na 25-12). Muri ¼, ikipe y'u Rwanda yatsinzwe na Algeria amaseti 3-0 (25-18, 27-25 na 25-16).

Mu mikino yo guhatanira imyanya 5-8, ikipe y'u Rwanda yatsinze Chad amaseti 3-0 (25-21, 25-18 na 25-20) nyuma mu guhatanira umwanya wa 5 itsindwa na Tunisia yari ifite igikombe giheruka amaseti 3-0 (25-17, 25-18 na 25-21).

Ikipe ya Misiri yaherukaga iki gikombe muri 2005 yitwaye neza yongera kucyegukana itsinze Algeria ku mukino wa nyuma amaseti 3-1 (25-22, 25-18, 20-25 na 25-22). Ikipe ya Libya ni yo yegukanye umwanya wa gatatu itsinze Cameroun amaseti 3-1 (22-25, 25-22, 25-23 na 25-15).

## Uko amakipe yakurikiranye

Ikipe ya Misiri (1), Algeria (2), Libya (3), Cameroun (4), Tunisia (5), Rwanda (6), Tchad (7), Maroc (8), Kenya (9), Ghana (10), Senegal (11), Gambia (12), Tanzanie (13), Burundi (14), Mali (15). Amakipe 3 ya mbere (Misiri, Algeria na Libya) ni yo azaserukira Afurika mu mikino y'igikombe cy'lsi izaba mu 2025.



## Tennis : Corentin Denolly yegukanye "Rwanda Open M25"

Taliki 11 kugeza 17 Nzeri 2023 muri IPRC Kigali habereye irushanwa mpuzamahanga ry'umukino wa Tennis mu bagabo "Rwanda Open M25", icyumweru cya kabiri.

Corentin Denolly ukomoka mu Bufaransa ni we wegukanye iri rushanwa mu cyumweru cya kabiri atsinda Oliver Crawford ukomoka muri USA ku mukino wa nyuma amaseti 2-1 (1-6, 6-4 na 6-4).

Corentin Denolly yageze ku mukino wa nyuma asezereye Damien Wenger ukomoka mu Busuwisi muri ½ amutsinze amaseti 2-0 (6-4 na 6-1). Uyu Damien Wenger ni we wari wegukanye irushanwa mu cyumweru cya mbere.

Mu bakina ari babiri, Nicholas Bybel ukomoka muri USA na Eric Vanshelboim ukomoka muri Ukraine begukanye icyumweru cya kabiri nyuma yo gutsinda Prajwal Dev na Ishaque Eqbal bakomoka mu Buhinde amaseti 2-1 (6-7, 7-6 na 10-7).

Corentin Denolly na Damien Wenger bari begukanye icyumweru cya mbere baviriymo muri ½.

Muri iri rushanwa ryitabiriwe bwa mbere n'abakinni bakomeye ku Isi, abakinni b'Abanyarwanda nta bwo babashije kwitwara neza kuko mu cyumweru cya mbere, Hakizumwami Junior, Habiyambere Ernest na Niyigena Etienne ndetse na Hakizumwami Junior, Ishimwe Claude na Muhire Joshua bakinnye mu cyumweru cya kabiri bose baviriymo muri 1/16.



## Football : APR FC yanganyije na Pyramids FC mu mukino ubanza

Taliki 17 Nzeri 2023 kuri Kigali Pelé Stadium habereye umukino ubanza mu mikino y'Afurika y'amakipe yabaye aya mbere iwayo "CAF Champions League 2023-2024" aho ikipe ya APR FC yanganyije na Pyramids FC yo mu Misiri 0-0.

Biteganyijwe ko umukino wo kwishyurza uzabera mu Misiri taliki 29 Nzeri 2023. Ikipe izaitwara neza hagati ya APR FC na Pyramids FC izakomeza mu matsinda.



## Football: Hatoranyijwe abazajya mu ishuri ry'umupira w'amaguru rya Bayern Munich

Taliki 11 kugeza 17 Nzeri 2023 habaye igikorwa cyo gutoranya abana bazajya mu ishuri ry'umupira w'amaguru rya Bayern Munich "FC Bayern Elite Soccer School" mu rwego rwo gushyira mu bikorwa amasezerano iyi kipe yo mu cyiciro cya mbere mu Budage yagiranye n'u Rwanda.

Iki gikorwa cyabereye mu Turere twose tw'ighugu ahatoranyijwe abana 100 bari hagati y'imyaka 12 na 13 nyuma mu gikorwa cyo kujonjora bwa nyuma hatoranywamo abana 43, iki gikorwa cyabereye kuri Sitade ya Bugesera.

Uretse aba bana 43 , hanatoranyijwe abana 10 bafite hagati y'imyaka 14 na 16 bazajya mu mwiherero w'imyitozo mu Budage "FC Bayern Munich Elite Camp" kuva taliki 18 kugeza 23 Ukwakira 2023.



## Basketball : APR BBC yegukanye igikombe shampiyona mu bagore

Taliki 15 Nzeri 2023 ni bwo hasojwe shampiyona y'icyiciro cya mbere mu mukino wa Basketball mu bagore. Ikipe ya APR BBC yegukanye igikombe nyuma y'imyaka 4 kuko yagiherukaga muri 2019.

Ikipe ya APR BBC yegukanye igikombe nyuma yo gutsinda REG BBC imikino 4-1 mu mikino ya kamarampaka "betPawa Playoffs". Mu mukino wa nyuma wa 5, ikipe ya APR BBC yatsinze REG BBC amanota 62 kuri 61.

Iyi kipe ya APR BBC nyuma yo kwegukana igikombe cya shampiyona ni yo izaserukira u Rwanda mu mikino y'Akarere ka 5 "FIBA Africa Zone 5 Club Championship 2023" izabera mu Rwanda mu Gushyingo 2023.

### Uko imikino ya nyuma yagenze

#### Taliki 06-09-2023

- APR BBC **86-87** REG BBC

#### Taliki 08-09-2023

- REG BBC **59-60** APR BBC

#### Taliki 10-09-2023

- APR BBC **84-81** REG BBC

#### Taliki 13-09-2023

- REG BBC **67-77** APR BBC

#### Taliki 15-09-2023

- APR BBC **62-61** REG BBC



## Football: Komite ya Rwanda Premier League yagiriye urugendoshuri muri Tanzania

Kuva taliki 12 kugeza 15 Nzeri 2023, bamwe mu bayobozi ba "Rwanda Premier League" icunga shampiyona y'icyiciro cya mbere mu Rwanda ndetse n'ab'ishyirahamwe ry'umupira w'amaguru mu Rwanda "FERWAFA" bagiriye urugendoshuri rw'iminsi itatu i Dar es Salaam muri Tanzania.

Aba bayobozi bari bayobowe na Mudaheranwa Hadji Youssuf, Perezida wa "Rwanda Premier League", Visi Perezida, Mvukiyehe Juvénal n'Umunyamabanga Mukuru, Gahigi Jean Claude naho ku ruhande rwa FERWAFA hari Visi Perezida wa Kabiri ushinzwe Tekinike akaba no mu bagize Inama y'Ubuyobozi ya "Rwanda Premier League", Mugisha Richard n'Umuyobozi w'ishami ry'amarushanwa akaba n'Umujuyanama mu by'Amategeko, Jules Karangwa.

Muri uru rugendoshuri izi ntumwa zaturutse mu Rwanda zasuye ibikorwa bitandukanye, zinagirana ibiganiro n'ubuyobozi bw'ishyirahamwe ry'umupira w'amaguru muri Tanzania "TFF", n'ubwa shampiyona y'icyiciro cya mbere zinasura kandi ikipe ya Simba SC na Azam FC.

Izi ntumwa nyuma y'uru ruzinduko zemeje ko hari byinshi bungutse kandi ko hari ibyo bari bakeneye kwigira kuri Tanzania.  
Uyu mwaka w'imikino wa 2023-2024 ni wo wa mbere shampiyona y'icyiciro cya mbere yatangiye gucungwa na "Rwanda Premier League" aho kuba FERWAFA nk'uko byari bisanzwe.



## Table Tennis : U Rwanda rwahawe kwakira imikino yo gushaka itike y'imikino Olempike 2024

Taliki 16 Nzeri 2023 ni bwo hatangajwe ko u Rwanda rwahawe kwakira imikino y'Afurika "Africa Cup 2024" izaba igamije gushaka itike y'imikino Olempike 2024 izabera i Paris mu Bufaransa.

Iyi mikino "Africa Cup 2024" izaba muri Gicurasi 2024 akaba ari inshuro ya mbere imikino nk'iyyi izaba ibereye mu Rwanda.



## Football: Habaye imikino y'umunsi wa kane wa shampiyona

Taliki 15 kugeza 18 Nzeri 2023 habaye imikino y'umunsi wa 4 wa shampiyona y'icyiciro cya mbere mu mupira w'amaguru mu bagabo. Imikino y'umunsi wa 5 biteganyijwe ko izaba taliki 30 Nzeri kugeza 01 Ukwakira 2023.

### Uko imikino yagenze

#### Taliki 15-09-2023

- Gasogi United 1-1 Kiyovu

#### Taliki 16-09-2023

- Sunrise FC 1-0 Bugesera FC
- Amagaju FC 2-0 Muhazi United

#### Taliki 17-09-2023

- Mukura 0-3 Etoile de l'Est
- Etincelles FC 1-0 Police FC

#### Taliki 18-09-2023

- Gorilla FC 0-0 AS Kigali

## Urutonde rwa shampiyona 2023-2024

Umwanya	Ikipe	Imikino	Amanota
1	Musanze FC	3	09
2	Amagaju FC	4	08
3	Gasogi United	4	07
4	APR FC	2	06
5	Sunrise FC	4	06
6	Rayon Sports	3	05
7	Mukura	4	05
8	Kiyovu	4	05
9	Police FC	4	04
10	Gorilla FC	4	04
11	Etincelles FC	4	04
12	AS Kigali	4	04
13	Bugesera FC	4	03
14	Marines FC	2	03
15	Etoile de l'est	4	03
16	Muhazi United	4	02



## Football: Umukino wa Rayon Sports na Al Hilal SC warasubitswe

Impuzamashyirahamwe y'umupira w'amaguru muri Afurika "CAF" yemeje ko umukino ubanza wagombaga guhuza ikipe ya Al Hilal Benghazi SC yo muri Libya na Rayon Sports mu mikino y'Afurika, taliki 15 Nzeri 2023 usubikwa.

Uyu mukino wagomba kubera i Benghazi ariko kubera Ibiza byibasiye iki gihugu, iyi kipe isaba ko umukino wasubikwa. Nyuma CAF yemeje ko umukino ubanza ugomba kubera mu Rwanda taliki 24 Nzeri 2023 ndetse n'uwo kwishyura taliki 30 Nzeri 2023.

N'ubwo uyu mukino wasubitswe, ikipe ya Rayon Sports yari yageze muri Libya.

Ikipe izitwara neza hagati ya Al Hilal Benghazi SC na Rayon Sports izahita ikomeza mu matsinda y'imikino y'Afurika y'amakipe yitwaye neza iwayo "CAF Confederation Cup 2023-2024".



## Cycling : Habaye umunsi wa gatatu wa shampiyona y'abakiri bato

Taliki 17 Nzeri 2023 i Ntarama mu Karere ka Bugesera habereye shampiyona y'abakiri bato hakinwa umunsi wa gatatu " Rwanda Youth Racing Cup 2023". Irushanwa ritaha rizaba taliki 15 Ukwakira 2023.

### Uko irushanwa ryagenze

- **Boys U-13 (6km)**

1. Sano Francis 15'20"
2. Manzi Blaise 15'24"
3. Ndayishimiye Alberte 15'54"

- **Boys U-15 (12km)**

1. Shema Emmanuel 25'19"
2. Gisubizo Issa 26'36"
3. Habumuremyi Cyusa 28'11"

- **Boys U-17 (21.6km)**

1. Shema Robert 46'40"
2. Mundereneza Shema Joseph 46'40"
3. Ishimwe Brian 46'41"

- **Men Juniors /U-19 (24km)**

1. Nshutiraguma Kevin 47'22"
2. Ndayizeye Evaliste 48'20"
3. Nshimiyimana Phocas 48'21"

- **Girls U-15 (12km)**

1. Ishimwe Cynthia 28'19"
2. Nyiribambe Akelyne 29'30"
3. Niyomukiza Claudine 30'04"

- **Girls U-17 (12km)**

1. Masengesho Yvonne 27'06"
2. Niyokwizerwa Clementine 29'09"
3. Ishimwe Françoise 30'58"

- **Women Juniors/ U-19 (21.6km)**

1. Byukusenge Mariata 48'40"
2. Iragena Charlotte 50'53"
3. Ingabire Domina 51'13"

## Karate : Flying Eagles yitwaye neza muri shampiyona y'igihugu y'abakiri bato

Taliki 16 na 17 Nzeri 2023 habaye shampiyona y'igihugu y'abakiri bato ku nshuro ya kabiri "National Children Karate Championship 2023".

Iri rushanwa ryabereye muri Notre-Dame Des Anges i Remera ryari ryitabiriwe n'abana 260 bari hagati y'imyaka 7 na 15 barimo abahungu 173 n'abakobwa 87 baturutse mu makipe 32 aho bahatanye mu kurwana "Kumite" ndetse no kwiyereka "Kata". Ikipe ya Flying Eagles ni yo yitwaye neza yegukana imidali 17.



## Kung Fu Wushu: Ambasaderi w'u Bushinwa n'uwa Kenya mu Rwanda basuye abari mu mahungurwa

Taliki 15 Nzeri 2023, Ambasaderi w'u Bushinwa mu Rwanda, Wang Xuekun ari kumwe na mugenzi we, Ambasaderi wa Kenya mu Rwanda, Philip Mundia Githiora basuye aharimo kubera amahugurwa y'umukino wa Kung Fu atangwa n'inzobere yaturutse mu Bushinwa, Chen Haijun.

Aya mahugurwa "Seminar on Shaolin Martial Arts and Taiji Boxing of Chen Style" biteganyijwe ko azamara iminsi 50 akazasozwa taliki 25 Ukwakira 2023 arimo kubera mu nzu y'imikino ya Tsen Sport Kung-Fu Organization ku Kimihurura mu Rugando.

Ambasaderi w'u Bushinwa mu Rwanda, Wang Xuekun yavuze ko yishimira urwego umukino wa Kung-Fu Wushu ugezeho mu Rwanda, asaba abitabiriye aya mahugurwa ko bakwiriye gushyiramo umuhate bakazakuramo ubumenyi bwisumbuye kuko bagize amahirwe yo kubona umwarimu mwiza uri ku rwego mpuzamahanga.

Philip Mundia Githiora, Ambasaderi wa Kenya mu Rwanda yashimye cyane abitabiriye aya mahugurwa abibutsa ko bagomba kubyaza umusaruro aya mahirwe bahawe, ashimira cyane Ambasade y'u Bushinwa uruhare igira mu iterambere ry'uyu mukino.

Perezida wa RKWF, Uwiragiye Marc yashimiye ba Ambasaderi bombi ariko by'umwihariko Ambasaderi w'u Bushinwa mu Rwanda uruhare yagize kugira ngo iki gikorwa gishoboke.

Yakomeje avuga ko kuba basuwe na ba Ambasaderi bombi byaberetse ko babashygikiye kandi ko ibyo byose bituma bagira imbaraga zo gukomeza gukora.

Uwiragiye agaragaza ko mu minsi ishize hari icyo abitabiriye bamaze kunguka kandi yizera ko amahugurwa azatuma urwego rw'abakina Kung Fu Wushu mu Rwanda rugera ku rwego rwiza.

Yasabye abayitabiriye bagera kuri 50 kwiga neza bashishikaye kugira ngo ubumenyi bazayakuramo bazabugeze kuri bagenzi babo hirya no hino mu gihugu, bityo iterambere ribashe kugera kuri bose.



## Football: Yanga SC yatsindiye Al-Merrikh SC i Kigali

Taliki 16 Nzeri 2023, kuri Kigali Pelé Stadium i Nyamirambo habereye umukino ubanza w'irushanwa ry'Afurika ry'amakipe yabaye aya mbere iwayo "CAF Champions League 2023-2024" wahuje ikipe ya Al-Merrikh SC yo muri Sudani na Yanga SC yo muri Tanzania.

Uyu mukino wabereye mu Rwanda nyuma y'aho iyi kipe yo muri Sudani, Al-Merrikh SC isabye kuhakirira kubera ko muri Sudani hari ikibazo cy'umutekano.

Muri uyu mukino, ikipe Yanga SC yitwaye neza itsinda Al-Merrikh SC ibitego 2-0, ibi bitego byatsinzwe na Kennedy Musonda ku munota wa 61 na Clement Francis Mzize ku munota wa 78.

Umukino wo kwishyura uzabera muri Tanzania, taliki 30 Nzeri 2023. Ikipe izitwara neza izahita ikomeza mu matsinda.

Aya makipe yageze mu cyiciro kibanziriza kujya mu matsinda nyuma yo kwitwara neza dore ko Al-Merrikh SC yasezereye AS Otohô yo muri Congo Brazzaville ku gitego 1-1 mu gihe Yanga SC yasezereye ASAS Djibouti Télécom ku bitego 7-1.

### **Yanga SC yakoze n'ibindi bikorwa**

Iyi kipe isanzwe igira abakunzi benshi muri Tanzania ndetse no mu Rwanda uretse gukina yakoze n'ibindi bikorwa bitandukanye.

Taliki 15 Nzeri 2023, iyi kipe yatanze ubufasha bw'amabati 70 n'imifuka 200 ya sima muri gahunda yo gufasha abagizweho ingaruka n'ibiza byibasiye bimwe mu bice by'Intara z'Amajyaruguru n'Uburengerazuba muri Gicurasi 2023.

Iyi nkunga ikaba ifite agaciro ka miliyon 4,8 z'amafaranga y'u Rwanda.

Iki gikorwa cyabereye ku Ishami ry'Umuryango w'Abibumbye ryita ku Biribwa "WFP" Kicukiro aho intumwa z'ikipe ya Yanga SC zari ziyo bowe na Perezida wayo Eng. Hersi Said.

Kuri uyu munsi kandi, Perezida wa Yanga SC, Eng. Hersi Said yashyikirije Minisitiri wa Siporo mu Rwanda "MINISPORTS", Munyangaju Aurore Mimosa umwambaro w'iyi kipe wagonewe Perezida w'u Rwanda, Paul Kagame.

Taliki 17 Nzeri 2023, mbere yo gusubira muri Tanzania, abakinnyi n'abatoza ndetse n'ababaherekeje basuye urwibutso wa Jenoside yakorewe Abatutsi rwa Kigali ku Gisozi bashyira indabo ku mva ndetse banasobanurirwa amateka ya Jenoside yakorewe Abatutsi mu 1994.





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave